

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
ZENICA**

Broj: 01-30-17620/24

Zenica, 23.09.2024. godine

Na osnovu člana 20a. i člana 32. Zakona o radu ("Službene novine Federacije Bosne i Hercegovine", broj: 26/16, 89/18, 44/22 i 39/24), člana 4. Uredbe o postupku prijema u radni odnos u javnom sektoru u Zeničko-dobojskom kantonu ("Službene novine Zeničko-dobojskog kantona", broj: 2/24), člana 6. i člana 13. Pravilnika o radu, broj: 01-100-11-109/24 od 09.02.2024. godine i broj: 01-100-9-61/24 od 17.07.2024. godine, člana 2. i člana 3. Procedure za provođenje postupka prijema u radni odnos u Zavodu zdravstvenog osiguranja Zeničko-dobojskog kantona, broj: 01-100-11-109/24 od 09.02.2024. godine, Odluke Upravnog odbora broj: 01-100-12-87/24 od 19.09.2024. godine i Odluke o potrebi prijema u radni odnos, broj: 01-30-17619/24 od 20.09.2024. godine, Zavod zdravstvenog osiguranja Zeničko-dobojskog kantona, raspisuje

JAVNI OGLAS

za prijem pripravnika visoke stručne sprema u Zavodu zdravstvenog osiguranja Zeničko-dobojskog kantona

I

Pripravnik sa završenim fakultetom društvenog smjera – visoka stručna sprema (VSS-VII stepen - 180/240 ECTS) – 2 (dva) izvršioca na određeno vrijeme, u trajanju od 12 mjeseci

II – Kratak opis radnih mjesta

Pripravnik će obavljati poslove u cilju osposobljavanja za samostalan rad u okviru svoje struke i sticanja potrebnog radnog iskustva neophodnog za rad u struci i polaganje stručnog ispita

III – Opći i posebni uslovi za zasnivanje radnog odnosa

Opći uslovi koje kandidat mora ispunjavati:

- da je stariji od 18 godina,
- da je državljanin Bosne i Hercegovine
- da posjeduje zdravstvenu sposobnost za obavljanje poslova i radnih zadataka
- da nije osuđivan
- da se protiv njega ne vodi krivični postupak

Posebni uslovi:

- završen fakultet društvenog smjera – visoka stručna sprema, VSS - VII stepen (180/240 ECTS)
- da nema ostvareno radno iskustvo u trajanju od godinu dana u struci nakon diplomiranja

IV – Potrebni dokumenti

Kandidati su dužni dostaviti:

1. Potpisanu prijavu na Javni oglas koja sadrži kraću biografiju, u kojoj je obavezno navesti: adresu stanovanja, e-mail adresu, broj telefona i jasnu naznaku pozicije na koju se prijavljuje
2. Izvod iz matične knjige rođenih
3. Uvjerenje o državljanstvu
4. Potvrda o prebivalištu (CIPS)
5. Diploma o stečenoj visokoj stručnoj spremi navedenoj u posebnim uslovima, te rješenje o nostrifikaciji ukoliko je navedena isprava stečena van Bosne i Hercegovina nakon 06.04.1992. godine ili uvjerenje (potvrda) o diplomiranju ukoliko diploma nije izdata (uvjerenje (potvrda) o diplomiranju ne može biti starije od jedne jedne (1) godine odnosno od roka potrebnog za izdavanje diplome)
6. Dokaz da nema ostvareno radno iskustvo od jedne (1) godine, nakon sticanja visoke stručne sprema, što se dokazuje:
 - Potvrdom/Uvjerenjem Službe za zapošljavanje (ne starije od 15 dana) i
 - Potvrdom o statusu iz Porezne uprave (ne starije od 15 dana)
7. Uvjerenje o nekažnjavanju – ne starije od 3 (tri) mjeseca od dana objave Javnog oglasa
8. Uvjerenje o nevođenju krivičnog postupka – ne starije od 3 (tri) mjeseca od dana objave Javnog oglasa
9. Ljekarsko uvjerenje – ne starije od 3 (tri) mjeseca od dana objave Javnog oglasa (dokumente pod rednim broj 7, 8 i 9 obavezan je dostaviti samo izabrani kandidat)

Dokumentaciju kojom se dokazuje ispunjavanje uslova navedenih u Javnom oglasu kandidati su dužni dostaviti u originalu ili ovjerenjnoj kopiji.

Kandidati su radi dokazivanja da nemaju ostvareno radno iskustvo nakon sticanja visoke stručne sprema dužni dostaviti oba tražena dokumenta i to Potvrdu/Uvjerenje Službe za zapošljavanje i Potvrdu o statusu iz Porezne uprave.

Napomena:

- Kandidati koji ispunjavaju uslove iz Javnog oglasa i koji su blagovremeno podnijeli urednu i potpunu prijavu na Javni oglas podliježu pismenoj i usmenoj provjeri znanja koju u skladu sa Pravilnikom o radu broj: 01-100-11-109/24 od 09.02.2024. godine i broj: 01-100-9-61/24 od 17.07.2024. godine, Uredbom o postupku prijema u radni odnos u javnom sektoru u Zeničko-dobojskom kantonu (“Službene novine Zeničko-dobojskog kantona”, broj: 2/24) i Procedurama za provođenje postupka prijema u radni odnos u Zavodu zdravstvenog osiguranja Zeničko-dobojskog kantona, broj: 01-100-11-109/24 od 09.02.2024. godine provodi Komisija za izbor pripravnika.

- Nakon provedene procedure po javnom oglasu odluku o izboru pripravnika za prijem u radni odnos donosi direktor Zavoda na osnovu Izvještaja Komsije za izbor pripravnika za prijem u radni odnos i Liste uspješnih kandidata.
- Izabrani kandidat je u obavezi po konačnosti odluke o izboru pripravnika za prijem u radni odnos da u roku od 8 (osam) dana dostavi: ljekarsko uvjerenje, uvjerenje o nekažnjavanju i uvjerenje o nevođenju krivičnog postupka.
- Nakon obavljenog pripravničkog staža, pripravnik polaže pripravnički - stručni ispit pred komisijom koju formira direktor.

V – Rok za podnošenje prijava

Obavijest o javnom oglasu će biti objavljena u Dnevnom listu „Oslobođenje“, a integralni tekst Javnog oglasa objavit će se putem web stranice Zavoda zdravstvenog osiguranja Zeničko-dobojskog kantona (www.zzozedo.ba), web stranice Zeničko-dobojskog kantona (www.zdk.ba) kao i putem web stranice JU Služba za zapošljavanje Zeničko-dobojskog kantona (www.zdk-szz.ba).

Rok za podnošenje prijava je 8 (osam) dana od dana njegove posljednje objave.

Blagovremenom prijavom smatra se prijava koja je podnesena u roku od 8 dana od dana njegove posljednje objave.

Prijavu na javni oglas potrebno je dostaviti (neposredno na protokol Zavoda ili putem pošte) u zatvorenoj koverti na adresu:

**“Zavod zdravstvenog osiguranja Zeničko-dobojskog kantona
Abdulaziza Aska Borića 28
72 000 Zenica
uz naznaku:**

**“PRIJAVA NA JAVNI OGLAS ZA PRIJEM PRIPRAVNIKA U RADNI ODNOS - NE
OTVARAJ”**

Prijave kandidata koje na koverti ne budu sadržavale ime i prezime kandidata sa tačnom adresom kao i naznaku “Prijava na Javni oglas za prijem pripravnika u radni odnos – ne otvaraj“, smatrat će se **neurednim i bit će odbačene**.

Integralni tekst javnog oglasa biti će objavljen na web stranici Zavoda (www.zzozedo.ba) i web stranici Zeničko-dobojskog kantona (www.zdk.ba).

VI – Ostale napomene

Neuredne, nepotpune i neblagovremene prijave neće biti uzeti u razmatranje.

Literatura za pripremu pismene i usmene provjere znanja će biti objavljena putem web stranice Zavoda zdravstvenog osiguranja Zeničko-dobojskog kantona na dan objave Javnog oglasa.

Prijavljeni kandidati će se o terminu i mjestu održavanja pismene i usmene provjere znanja, obavijestiti dostavom skenirane obavijesti na e-mail adresu kandidata navedenu u prijavi na javni oglas najmanje pet dana prije održavanja provjere znanja, te će ista obavijest biti postavljena na web stranicu Zavoda i oglasnoj tabli Zavoda.

Ukoliko kandidat ne pristupi pismenoj ili usmenoj provjeri znanja smatrat će se da je odustao.

Ukoliko su dva ili više kandidata postigli jednak broj bodova prednost će imati djeca šehida ili poginulih boraca koji navedeni status dokazuju uvjerenjem koje izdaje nadležna općinska/gradska služba.

Ukoliko su dva ili više kandidata postigli jednak broj bodova, a niti jedan od njih nije dijete šehida ili poginulog borca prednost će imati kandidat koji se nalazi duži vremenski period na evidenciji službe za zapošljavanje. U navedenim slučajevima Komisija će naknadno tražiti od kandidata da dostave uvjerenja od strane službe za zapošljavanje kako bi se mogle utvrditi navedene činjenice.

Kandidat slanjem svoje prijave daje saglasnost Zavodu zdravstvenog osiguranja Zeničko-dobojskog kantona da njegove lične podatke obrađuje u postupku selekcije u skladu sa važećim Zakonom o zaštiti ličnih podataka.

Zavod nije obavezan vraćati dokumentaciju dostavljenu uz prijavu. Dokumentacija će biti vraćena kandidatu na njegov lični zahtjev, te se ista može preuzeti u prostorijama Zavoda zdravstvenog osiguranja Zeničko-dobojskog kantona u Zenici, **uz predočenje lične karte**, u roku od 60 dana od dana okončanja procedure po javnom oglasu. Nakon isteka navedenog roka ista će, u skladu sa Zakonom o zaštiti ličnih podataka biti uništena.

DIREKTOR

Omer Škaljo, prof.